

TE DŽIKO ISKORISTINELA TUT? TUTE ISI HAKIA!

Tute isi hako korkoro te odlučine tle lično truposke. Hem te kjere buti telo pravedno uslovia. Niko našti te čhivel tut silaja te phage o kanuni ja te mänge devlengen. Akate isi dobiba pomoč.

Akaja brošura tani tuke so uljan iskoristimi ki prostitucia ja ki trgovia manušenar. Amen so ikaldžam akaja brošura kereja buti sar regionalnikane koordinatoria protiv i prostitucia hem trgovia manušenar ki Švedia.

So značinel trgovia manušenar?

Trgovia manušenar šaj te značinel but buča. Šaj te značinel so tu silaja sian terimi te mange devlence ja te kjere buti bizi plata ja but tikne platake. Šaj isto te značinel so tut mora te ovel seks averencar platibaja.

Tu so sian izložimi ki trgovia manušenar šaj te dodživdine so džiko pratinela tut kori džaja, so kerea hem kobor zaradinea. Šaj sian prinudimi te čhore, te mange devlence ja te kere disave seksualnikane delia. Ja sian silaja prinudimi te prandine tut protiv tli volja.

Trgovia manušenar isto šaj te značinel so džiko iskoristinela tut sar bučakiri snaga, so tu kerea jekh buti tikne ja bizi plataja hem bišukar

uslovia. Trgovia manušenar pojavinelape segde, ko misal ko restorantengiri- hem čistibaskiri struka, ko avto - thojba, ko salonia najenge, ko gradibaskete bučakere thana ja ko phuvjalo butikjeriba.

So vakerela o kanuni baši prostitucia?

Te kinenpe seksualnikane usluge tano zabranimo ki Švedia. Niko na sminela te nudinel tut love, stani, šea ja diso aver pokjiba zamenibaja seksi. Isto tano zabranimo silaja te čhive džikas te bikelin seksi. Ama tu so priminea platimo na kerea diso bikanunimo.

Akava tuke pendžardo?



1. Pratinela tut džiko kori džaja, so kerea hem kobor love zaradinea?
2. Zahtevinela džiko te de o love so zaradindžan či te pokjinelpe razno borčia?
3. Bešea tesno, ja ko isto lokali kote so kerea buti barabar averencar soj tane ki isto situacia sar tu?
4. Vakerela džiko tuke te chore, te mange devlence ja te ovel tut seks averencar platibaja?
5. Tlo pasovani ja tli lično karta tane ko aver manuš?
6. Osetinea so adžikerelape tutar te bikine seks palo disavo religioznikano rituali ja arakhljan jekhe religiozno voditele?
7. Pretinela džiko tle familia, tle čhaven ja tle paše manušen?
8. Sian sine prisilimi te mukhe tle čhave džikasko upri kaste nae tut poverenje?
9. Džiko izložinela tut ko nasilstvo te na kerea sar ov/oj vakerela?

Tegani isi sebepi te rode pomoč hem arakhiba. Isi tut hako odoleske!

**Panda bašo
tle HAKIA ki
5:to rig**

De tut godi!

Te sian telo 18 berš sian jekh maloletno čhavo/čhaj.

Sakone čhave ki Švedia isi hako potporake hem arakhibaske protiv iskoristiba.

Valjani tuke pomoč ? ●

Tu so sian izložimi ki prostitucia ja trgovia manušencar isi hako te delpe pomoč hem potpora. Akava važinela bizi razlika kotar sian ja sar pendžarea e manuše so iskoristinela tut. Te džiko izložinelape ko nasilstvo, pretiba ja presiliba niked nae tli greška .

Nasilstvo šaj te ovel fizikano, ko misal khujba ja mariba. Ama šaj isto te ovel psihično, sar soj bišukar lafia hem pretiba. Te izložinelpe ko nasilstvo delape dukhaviba hem barevakteskoro pharipa. Či te ikljove tari i situacia hem te osetine tut pošukar ka valjani tuke pomoč. Ki Švedia isi but džene so mangena te pomožinen tut!

1. I socialnikani služba. Ki socialnikani služba šaj te delpe molba bašo jekh sigurimo bešiba, socialnikani potpora hem lovengiri podrška. E socialnikane služba isi odgovornost sa e čhavage soj tane ki Švedia. Obratin tut ki socialnikani služba ki odoja opština kote so sian dobibaske informacia potporake.

2. Policia. E policiakoro nalog tano te istražinel krivično delo. Tute isi hako te prijavine krivično delo kote so sian priložimi hem šaj te prijavine krivično delo kjerdo ki Švedia ja ki aver phuv. Vaker te daraja sebepi so džiko pretinela tut. I policia šaj disavo far te del posebno arakhiba hem potpora.

3. Bolnica hem sastipaskere ordinacie. Te valjandža tuke arakhiba šaj te obratine tut ki jekh sastljaribaskiri-, doktoreskiri - ja dežurno ordinacia. Te sian izložimi ko nasilstvo, mariba ja dobindžan dukhaviba ko tlo bučakoro than tegani ka ovel šukar te kjerelpe jekh doktoreskiri kontrola.

4. Džuvlengiri mirovnikani linia. Akate nudelape anonimnikani lafikjeribaskiri potpora ko razno čhibja prekaž telefoni ko soro dive hem rat. E Džuvlengiri mirovnikani linia isto šaj te pomožinel tut kontaktiribaskere informaciaja ki socialnikani služba, socialnikano dežurstvo ja džuvlikano dežurstvo.

5. Zavod migraciake. Obratin tut ko Zavod migraciake te sine tut pučiba bašo azili, dozvola bešibaske, vizitariba ja dozvola bučake.

Tle hakia ●

Sa e organ upraven isi dužnost te den tuke informacia
bašo save hakia isi tut. **Šaj te kerelpe lafi bašo:**

1. Jekh sigurimo stani
2. Sastljaribaskoro arakhiba
3. Sastljariba; edukacia hem buti
4. Društvoskiri briga e čhavage; zabavište hem škola
5. Kontaktiriba e policiaja
6. Ekonomikani potpora
7. Kjeriba lafeskiri potpora hem socialnikani potpora
8. Hako tumačeske

Isi tut čhave? Tle čhaven isto isi hako potporake hem arakhibaske!

Programa iranibaske khere

Te sian ki Švedia hem izložindžanpe ki prostitucia ja trovia manušencar šaj te dobine pomoč te irane tut ki tli phuv ko sigurimo čani prema i organizacia IOM, Internacionalnikani organizacia migrantenge (International Organization for Migration). Hem o čhave hem o phureder šaj te dobinen pomoč iranibaja ko plo kher hem potpora ki pli phuv. I potpora prilagodinelape prema tumaro valjanipa. Ko misal šaj te kerelpe lafi bašo stani, sastljariba hem ekonomia telo jekh periodi.

Korkoro kefeskoro tano te rodelpa hem te učestvuinelpe ki i programa iranibaske. Kontaktirin e regionalnikane koordinatorea či te dodžane pobut.

Drabar pobut
baši amende
regionalnikane
koordinatoria
ki 8:to rig

Importantnikane telefoneskere gende

Organ uprave so šaj te pomožinen tut

Policia

Ki hitno daravipa: **112** / www.polisen.se

Te mangljan te prijavine krivično delo ja te de obavestiba: **114 14**

Te sian ko inostanstvo: **+46 77 114 14 00**

Sastljariba

Hitno sastipaskoro arakhiba: **112**

Sastipaskoro arakhiba **11 77** / www.1177.se

Zavod migraciake

0771 235 235 / www.migrationsverket.se

Džuvlengiri mirovnikani linia

020 50 50 50 / www.kvinnofridslinjen.se

Pobut akteria so šaj te pomožinen tut

Potpora tuke so sian izložimi ki trgovia manušencar

Nacionalnikano potporakoro program e žrtvenge ki trgovia manušencar:

070 760 57 92 / www.manniskohandel.se

Safe Havens **073 920 68 17** / www.fralsningsarmen.se/safe-havens

Potpora čhaenge hem romnjenge soj tane izložime ko mariba

ROKS: **08 442 99 30** / www.roks.se

Unizoni: **08 642 64 01** / www.unizonjourer.se

Potpora e čhavenge

Bris, e čhavengoro hako ko društvo: **116 111** / www.bris.se

Tlo Ecpat: **020 112 100** / www.dittecpat.se

Pri hitno opasnost ja tekovnikano krivično delo, javin tut ko 112

**Podrška e manušenge uožime ko nasilstvo sebepi
o mujipe hem gnjaviba.**

Drabar panda kote ka obratine tut ko:

www.hedersfortryck.se/for-dig-som-ar-utsatt

Ja javin tut ko:

Terafemengoro hitno telefoni: **020 52 10 10 / GAPF: 070 000 93 28**

Informacia baši potpora e krivično deloskere žrtvake

Dežurstvo e krivično deloskere žrtvenge: **116 006 /**

www.brottsofferjouren.se

Zabeleške

Akate isi pomoč! ●

Sian iskoristimi ki prostitucia ja trgovia manušencar? Ja sian ki jekh situacia kote so rizikuinea te ove iskoristimi? Akaja brošura tani tuke. Amen so ikaldžam akaja informacia keraja buti sar regionalnikane koordinatoria protiv i prostitucia hem trgovia manušencar ki Švedia.

Regioneskere koordinatoria isi ki soro phuv. Ki amende doinea informacia bašo save hakia hem potpora šaj te dobine. Mangea te rode arakhiba, stani, ekonomia, sastljariba ja aver pomoč tegani ka vakera tuke so valjani te kjere. Amen kjeraja buti ki opština hem korkoro voljakoro tano te kontaktirine amencar. Amen isi službeno garaviba hem koristinaja tumače te valjandža tuke pri keriba lafi.

Ko disave opštine isi isto specializirime delatnostia tuke so sian iskoristimi ki prostitucia hem trgovina manušencar seksualnikane cilea. Ola akharenape Mika prijem (Mikamottagningen) hem Evonkher (Evonhuset)

Kontaktirin amencar, amen šaj te pomožina tut!



SWEDISH GENDER
EQUALITY AGENCY

[Sweden's National Coordination against
Prostitution and Trafficking in Human Beings](#)